



Na osnovu čl. 25. i 74. Statuta Općine Centar Sarajevo – prečišćen tekst („Službene novine Kantona Sarajevo“, broj 23/04), člana 14. Odluke o izvršavanju Budžeta Općine Centar Sarajevo za 2026. godinu (Službene novine Kantona Sarajevo, br. 52/25 i 28/26), tačke 20. Smjernica o minimalnim standardima dodjele budžetskih sredstava putem transfera i subvencija u Federaciji Bosne i Hercegovine („Službene novine Federacije BiH“, broj 37/24), člana 6. Pravilnika o određivanju kriterija za dodjeljivanje nagrada sportskim udruženjima sa područja općine Centar Sarajevo za ostvarene vrhunske sportske rezultate („Službene novine Kantona Sarajevo“ br. 8/24, 10/25, 20/26 i 35/26) i Odluke o pokretanju postupka raspisivanja i provođenja Javnog poziva, broj: 13-11-4905/26 od 18.9.2026. godine, Općinski načelnik objavljuje

JAVNI POZIV

za dodjelu nagrada sportskim udruženjima sa područja općine Centar Sarajevo za ostvarene vrhunske sportske rezultate

I CILJ JAVNOG POZIVA

Cilj ovog Javnog poziva je dodjela nagrada sportskim udruženjima za ostvarene rezultate na domaćim i međunarodnim sportskim takmičenjima.

Ukupan iznos sredstava planiranih za ovu namjenu u Budžetu za 2026. godinu iznosi KM 130.000 KM.

Pojedinačni iznosi određeni su Pravilnikom o određivanju kriterija za dodjeljivanje nagrada sportskim udruženjima sa područja općine Centar Sarajevo za ostvarene vrhunske sportske rezultate.

Sredstva koja se dodjeljuju po ovom Javnom pozivu ne predstavljaju državnu pomoć u smislu Zakona o sistemu državne pomoći u Bosni i Hercegovini.

Ukoliko se utvrdi da sredstva predstavljaju državnu pomoć u smislu propisa o državnoj pomoći, ista će se dodijeliti u skladu sa relevantnim propisima, uključujući pravila o de minimis pomoći.

II PRAVO NA DODJELU NAGRADA MOGU OSTVARITI:

- sportski klubovi;
 - sportska društva;
 - sportski klubovi osoba sa invaliditetom;
 - sportska društva osoba sa invaliditetom,
- koji imaju sjedište na području općine Centar Sarajevo u trajanju od najmanje tri godine od dana objave ovog javnog poziva.

III NAČIN DODJELE NOVČANIH SREDSTAVA

Novčana sredstva za nagrađivanje sportskih udruženja sa područja općine Centar Sarajevo za postignute vrhunske sportske rezultate dodijelit će se za jedan pojedinačni ili ekipni rezultat ostvaren u toku 2024. ili 2025. godine, i to:

- za osvojeno prvo, drugo i treće mjesto na Državnom takmičenju;
- za osvojeno prvo, drugo i treće mjesto na Regionalnom/Međunarodnom takmičenju

u kojem učestvuje šest i više ekipa iz četiri i više država;

- za osvojeno prvo, drugo i treće mjesto na Mediteranskim igrama;
- za osvojena mjesta od prvog do osmog na Evropskom takmičenju;
- za osvojena mjesta od prvog do osmog na Svjetskom takmičenju;
- za osvojena mjesta od prvog do osmog na EYOF-u i Olimpijskim igrama;
- za osvojeno prvo, drugo i treće mjesto predstavnika sportskog udruženja u okviru državne reprezentacije.

Sportsko udruženje može ostvariti pravo na novčanu nagradu po ovom javnom pozivu samo jednom, odnosno na osnovu jednog rezultata ostvarenog u periodu od 1. januara 2024. godine do 31. decembra 2025. godine, bez obzira na to da li se takmičarska sezona u konkretnom sportu podudara sa kalendarskom godinom.

Nagrađivanje pojedinačnih i ekipnih rezultata ostvarenih u toku 2024. i 2025. godine jednako se odnosi i na para-sportove.

Ukoliko jedno sportsko udruženje u navedenom periodu ostvari više pojedinačnih i/ili ekipnih rezultata koji ispunjavaju uslove za dodjelu nagrade, pravo na nagradu ostvaruje samo po osnovu jednog rezultata, i to onog koji je najpovoljniji za aplikanta, u skladu sa kriterijima i visinom nagrade utvrđenim Pravilnikom.

U slučaju da ukupni iznos sredstava potrebnih za isplatu nagrada premaši raspoloživa budžetska sredstva, iznos pojedinačnih nagrada umanjit će se proporcionalno za sve korisnike, uz primjenu istog koeficijenta umanjenja.

IV POTREBNA DOKUMENTACIJA

Podnosioci zahtjeva obavezni su dostaviti slijedeće dokumente (original ili ovjerene kopije):

- a) Izvod iz upisa u registar – ne stariji od šest (6) mjeseci od dana objave Javnog poziva;
- b) Uvjerenje o izmirenim poreskim obavezama - ne starije od tri (3) mjeseca od dana objave Javnog poziva;
- c) Potvrda poslovne banke da račun nije blokiran iz koje se vidi broj transakcijskog računa - ne starija od tri (3) mjeseca od dana objave Javnog poziva;
- d) Dokaz ili potvrdu o rezultatu ostvarenom u periodu od 1. januara 2024. godine do 31. decembra 2025. godine, izdatu od strane nadležnog strukovnog sportskog saveza u Bosni i Hercegovini;

Dokaz ili potvrda treba sadržavati najmanje slijedeće podatke (primjenjive u skladu sa prirodom i vrstom sportskog rezultata):

- naziv takmičenja;
 - mjesto i datum održavanja takmičenja;
 - nivo takmičenja;
 - sportsku disciplinu i kategoriju (pioniri/kadeti/juniori/seniori);
 - ime i prezime sportiste, odnosno naziv ekipe u slučaju ekipnog rezultata;
 - ostvareni rezultat;
 - datum ostvarenja rezultata;
 - podatak o tome da je sportista bio član sportskog udruženja koje podnosi prijavu, odnosno da je ekipa predstavljala to sportsko udruženje.
- e) Izjavu kojom se potvrđuje sjedište udruženja na području općine Centar u trajanju od minimalno tri godine;
 - f) Izjava o primljenim de minimis potporama.

Dostavljeni lični podaci podnosioca prijava koristit će se isključivo za potrebe provođenja Javnog poziva, u skladu sa Zakonom o zaštiti ličnih podataka Bosne i Hercegovine.

V NAČIN DODJELE NOVČANIH SREDSTAVA

Pristigle zahtjeve će razmatrati Služba za obrazovanje, društvene djelatnosti, kulturu i sport. Na osnovu obrađenog materijala Služba donosi i objavljuje Preliminarnu rang listu nagrađenih sportskih udruženja za ostvarene rezultate na domaćim i međunarodnim sportskim takmičenjima.

Preliminarna rang lista objavljuje se na oglasnoj ploči i web stranici Općine Centar Sarajevo.

Podnosioci prijave imaju mogućnost prigovora na Preliminarnu rang listu u roku od 8 dana od dana objavljivanja iste. Konačnu odluku, a nakon provedenog postupka prigovora, donosi Općinski načelnik.

Novčana sredstva dodjeljivat će se na osnovu Zaključka o raspodjeli sredstava. Sredstva će se isplaćivati jednokratno.

Osobe koje učestvuju u postupku dodjele sredstava bit će isključene iz postupaka dodjele ukoliko se utvrdi da je u sukobu interesa u odnosu na podnosioca prijave, a podnosioci prijave imaju mogućnost prijaviti sumnju na postojanje sukoba interesa, o kojima će davalac budžetskih sredstava odlučivati pojedinačno po svakoj prijavi.

VI NAČIN I ROK PRIJAVE

Zahtjev sa potrebnom dokumentacijom se podnosi Službi za obrazovanje, društvene djelatnosti, kulturu i sport – Odsjek za kulturu i sport putem protokola Općine Centar Sarajevo i putem preporučene pošte na adresu:

Općina Centar Sarajevo
Služba za obrazovanje, društvene djelatnosti, kulturu
i sport – Odsjek za kulturu i sport
Ulica Mis Irbina broj 1
71000 Sarajevo

Javni poziv se objavljuje na web stranici Općine i ostaje otvoren 30 dana od dana objavljivanja.

Sve dodatne informacije zainteresovana lica mogu dobiti putem telefona 033/562-395 ili elektronske pošte sport@centar.ba.

Zahtjevi koji nisu dostavljeni u roku naznačenom u Javnom pozivu neće biti razmatrani.



Broj: 13-11-4905/26
Sarajevo, 21.9.2026. godine



Broj: 13-11-4905/26
Sarajevo, 18. 9. 2026. godine

Na osnovu člana 15. Zakona o principima lokalne samouprave u Federaciji Bosne i Hercegovine ("Službene novine Federacije BiH" br. 49/06 i 51/09), čl. 25, 69. i 74. Statuta Općine Centar Sarajevo-prečišćeni tekst ("Službene novine Kantona Sarajevo" broj 23/04), člana 6. Odluke o izvršavanju Budžeta Općine Centar Sarajevo za 2026. godinu (Službene novine Kantona Sarajevo, br. 52/25 i 28/26) i Smjernica o minimalnim standardima dodjele budžetskih sredstava putem transfera i subvencija u Federaciji Bosne i Hercegovine („Službene novine Federacije BiH“, broj 37/24), Općinski načelnik donosi:

O D L U K U

**o pokretanju postupka raspisivanja i provođenja Javnog poziva
za dodjelu nagrada sportskim udruženjima sa područja općine Centar Sarajevo za
ostvarene vrhunske sportske rezultate**

I

Pokreće se postupak raspisivanja i provođenja Javnog poziva za dodjelu nagrada sportskim udruženjima sa područja općine Centar Sarajevo za ostvarene vrhunske sportske rezultate.

II

Za realizaciju ove Odluke zadužuje se Služba za obrazovanje, društvene djelatnosti, kulturu i sport - Odsjek za kulturu i sport.

III

Nagrade sportskim klubovima planiraju se na poziciji 2.7.1.1. sadržanoj u Glavnom programu u Budžetu Općine Centar Sarajevo i to u okviru:

- Strateškog cilja 2: Unapređeni, dostupni i kvalitetni javni i socijalni servisi,
- Prioriteta 2.7: Razvoj partnerstva sa organizacijama civilnog društva OCD
- Mjera: 2.7.1: Finansiranje projekata koji su u skladu sa ciljevima Općine.

IV

Sastavni dio ove Odluke je Javni poziv za dodjelu nagrada sportskim udruženjima sa područja općine Centar Sarajevo za ostvarene vrhunske sportske rezultate.

V

Ova Odluka stupa na snagu danom donošenja i objavljuje se na web stranici Općine Centar Sarajevo.

OPŠTINSKI NAČELNIK

Srdan Mandić

Dostaviti:

1. Naslov
2. Evidencija